



Zour mo'nn kit lakaz pou lavil

 Lesley Koyi, Ursula Nafula Brian Wambi Shameem Oozeerally & MIE French Students 3 kreol morisien `mfe`



Ti bistop dan mo vilaz-la ti ranpli avek enn ta dimounn. Anba ti ena ankor plis kiksoz pou ramase. Bann kontroler ti pe kriye nom bann landrwa kot zot bis ti pou ale.



« Laval ! Laval ! Direksion lwest ! » mo'nn tann enn kontroler kriye. Samem bis ki mo ti bizinn pran.



Bis-la ti preske ranpli, me boukou dimounn ti pe pouse pou anbarke. Ena ki ti pe gard zot valiz anba bis-la. Bann lezot ti met pou zot dan letazer andan.



Bann nouvo pasaze ti pe atrap zot biye ek ti pe rod enn plas pou asize dan bis. Bann madam ek bann zenn zanfan inn met zot konfortab pou sa long vwayaz-la.



Mo'nn asiz akote enn lafnet. Sa dimounn akote mwa
la ti pe atrap enn sak an plastik bien for. Li ti met
enn vie savat, enn palto ize ek ti pe paret strese.



Mo ti pe get deor dan bis-la ek mo'nn realize ki mo pe kit mo vilaz. Landrwa kot mo finn grandi. Mo ti pe al dan gran lavil.



Bis-la ti ranpli ek tou bann pasaze ti pe asize. Bann marsan anbilan ti pe pas-pase pou vann zot marsandiz avek bann pasaze. Sakenn ti pe kriy bann nom bann lartik disponib. Bann nom-la ti pe paret komik.



De-trwa pasaze ti p aste bann labwason, lezot ti aste bann ti gato ek zot inn koumans manze. Seki pa ti ena kas kouma mwa, ti pe zis gete.



Sa bann aktivite-la inne arete kan bis-la inn klaxone, li ti enn sign ki bis-la ti pre pou ale. Kontroler finn dir bann marsan-la sorti.



Bann marsan-la ti pe pouse pou sorti dan bis. Ena inn retourn bann vwayazer -la kas. Bann lezot inn esey vann zot lartik ziska dernie ler.



Kan bis-la inn kit lagar. Mo regar ti fixe par lafenet.
Mo ti pe demann mwa si mo pou retourn dan mo
vilaz enn zour.



Pandan vwayaz-la, andan dan bis-la ti pe fer so.
Mo'nn ferm mo lizie dan lespwar mo dormi.



Me mo ti touzour pe mazinn mo lakaz. Eski mo
mama pou an sekirite ? Eski mo pou gagn kas avek
mo bann lapin ? Eski mo frer pou mazinn aroz mo
bann ti pie ?



An rout, mo ti pe memoriz nom landrwa kot mo tonton ti pe reste dan gran lavil. Mo ti pe ankor mirmire pandan ki mo ti pe dormi.



Aprè ne-v-er-d-tan, mo'nn leve par tapaz enn dimounn ki ti pe apel bann pasaze ki pou retourn vilaz. Mo'nn ramas mo ti sak ek mo finn sorti depi dan bis.




Bis ki ti pe retourne la ti pe ranpli vit-vit. Biento li ti pou al ver lwes. Zafer pli inportan pou mwa sa ler-la se rod lakaz mo tonton.



Global Storybooks

globalstorybooks.net

Zour mo'nn kit lakaz pou lavil

 Lesley Koyi, Ursula Nafula

 Brian Wambi

 Shameem Oozeerally & MIE French Students

